

CBETA電子佛典集成

CBETA Chinese Electronic Tripitaka Collection
eBook

ZW06n0054

廣施無遮道場儀

侯冲整理

目次

- [編輯說明](#)
 - [章節目次](#)
 - [題解](#)
 - [錄文](#)
 - [禮請](#)
 - [蓮花捧足降臨來](#)
 - [散花供養](#)
 - [守護結請本尊儀當演](#)
 - [加持咒水](#)
 - [五智花敷](#)
 - [廣施無遮](#)
 - [密宗究竟](#)
 - [虛凝妙剎](#)
 - [瀝水供養](#)
 - [界趣聖神](#)
 - [召資下凡鬼趣](#)
 - [發心勤力](#)
 - [賑濟法食](#)
 - [普伸懺悔](#)
 - [均食普周](#)
 - [回施禮別聖賢](#)
- [卷目次](#)
- [贊助資訊](#)

編輯說明

- 本電子書以「CBETA 電子佛典集成 Version 2023. Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

廣施無遮道場儀

整理者 侯冲

〔題解〕

《廣施無遮道場儀》，中國僧人所撰典籍。著者不詳。卷數不詳。宋代大理國阿吒力僧用科儀。

本科儀無題名，內容不見於歷代大藏經。現標題為整理者擬名。本科儀為佛教密宗無遮道場儀文，是研究佛教中國化和中國佛教早期科儀的重要資料。

本科儀與《大黑天神道場儀》一樣，於1956年8月在雲南省大理白族自治州鳳儀北湯天董氏宗祠發現，背面抄有大理國寫本宗密撰《圓覺疏》，現藏雲南省圖書館。詳情見《大黑天神道場儀》題解。

整理本先據雲南省圖書館藏縮微膠片抄錄，後用原本校正。無校本。

〔錄文〕

（前殘）

崇津於□□□□勝善，普利剎塵，俱蒙良因，速□果位。充滿天地水府，遍周過現未來。紫白紅塵，頓見上乘虛奧；黃花翠竹，遙觀大密繡球。清白無變，器情不二。是以香焚柏子，燈點蘭膏。唵唵懇祈，孜孜激切。恭叩十方寶輦光臨，總相慈尊，盡一念以虔誠，將五輪而投地。祛除熱惱，端靖身心，向下勤殷，霑需禮請：

諸佛如來部

佛母蓮花部

真智金剛部

誠心仰請秘密會上，遍法界中

法性毗盧佛（願垂哀憫，受請供養。）

法王釋迦佛

帝釋因陀羅

（願垂）

摩訶迦羅天

二乘二權眾

哀憫，廣施無遮，受請供養。

上來禮請八位聖眾，已沐雲臨。伏願天心遙鑒，慧耳遙聞，放白毫光，當空寂照，與我檀那，消災消難，延福延祥。此日今時，

受諸供養。

蓮花捧足降臨來

加持獻寶花座真言 淨金輪座真言

散花供養

上乘智廣，萬行因圓，非空非色，示心宗□□□□融地□□壇寶□法侶雲臻，宜成馥鬱天花，妙供十方覺相。是花也，清香遍界，吟艷無塵生。回掌上之陽春柳，本胸中之造化。枝枝般若，葉葉真如。警來則楚漢霞飛，散處則蜀江錦亂。人天普澤，花果同時。眾等虔誠，敷揚妙偈：

花開明覺獻心花， 四色相融無五差。

了見毗盧法界性， 虔誠散獻法王家。

加持散花真言 昇座字母 普賢法施

守護結請本尊儀當演

中印教門，垂甘露，潤色身，慧命上垂，乘法施禪悅，□香積珍饈。十方三世諸佛之加持，六道四流眾生之受領。該行散食法事，先誦金剛咒文。夫五位金剛，氣形忿怒而護人護法；本尊聖像，相貌端嚴而利物利生。色恣赫赫沖太虛，體態堂堂動大地。勇除外道，慈濟含靈。淨身口意，業根斷，消煩惱法。應化性體，指示菩提。

毗盧密祖元流芳， 教外真傳最上王。

薩埵密風光法界， 師資性月皎冥陽。

無遮法施霑甘露， 不限聖凡潤乳漿。

□□□□持念誦， 先當結請五金剛。

加持五金剛真言 本尊諸位真言

加持咒水

繞池妙水，元自一勺之多；密教真言，最乖半字之少。孟勝相地，花布如天。名為甘露之王，稱作法身之佛。體猶冰雪，應化鴛鴦袈裟；心乃蓮池，胸藏卍字明鏡。六道霑時階十地，四生沐處契九天。同證三藐三菩提，了明無為無上道。

勺多水自源流長， 淮濟江河浩瀚洋。

大密加持甘露滴， 中圍灌灑醍醐涼。
森羅萬像霑霖雨， 蠢動千流沐法漿。
滴慮洗心凡入聖， 鵬程九萬正風光。
加持藥叉真言 甘露水真言 諸部真言

五智花敷

花開五智，心花微妙布五方；果結三身，性果圓成契三部。氣運金木水火土，根清眼耳鼻舌身。輪分地水火風空，位定中東南西北。智豁五佛，理合一真。

五佛巍巍正法王， 花開五智自芬芳。
大空地水火風體， 中統東南西北方。
應念如春生萬物， 隨機若日照千光。
利人接物周沙界， 法施無遮施冥陽。
加持

廣施無遮

物人莫大，以飲食為先，養資身命；教法莫大，以密言最上，利濟冥陽。伽耶山有麻米之儀，香積國供禪悅之喜。阿難夢迴，然則三斛普施；調御乞飯，食則四眾□從。是以不憑廣施無遮法食，焉能普資有情生靈？諸佛開加持密咒法門，使一粒遍十方之大；眾生蒙賑濟甘露法乳，令一滴霑萬有之多。五音九族宗親，六道四生佛子。饑虛蒙六味波羅密，渴惱霑八德甘露漿。食者資慧命法身，了無生無熟之藏；飲者潤真心妙體，□不垢不淨之原。大密加持，上乘法施。涓涓甘露霑法界，粒粒伊蒲布大千。

溥天皇土食為先， 萬物生靈本亦然。
香國醍醐成玉饌， 伽山麻米供金仙。
無邊法喜分三斛， 最上密言誦五天。
一粒普施周法界， 廣資水陸悉均霑。
加持諸部真言

密宗究竟

金剛左伽，以名八角之輪壇；鉤索鎖鈴，而結四方之疆界。輪敷本尊，座具疆界。定大聖域門，乃秘密中圍。是瑜珈壇[土*遣]，混融凡聖，交感俗真。三摩嵯三摩耶，佛母金剛之極樂；又座與又座請，眾生諸佛之威儀。警覺聖賢，了明聞見，教外別傳。

教外別傳大密宗， 有人參問此家風。
眾生戲舞昇平世， 諸佛歡娛極樂宮。
蠢動含情皆有分， 森羅影像自無窮。
空非性了真如理， 祇向單多一念中。
加持化輪壇四鈎請些摩嗟警覺本尊些摩耶□…□

虛凝妙剎

虛凝妙剎中，感三千大千之聖賢；湛寂大空裏，包百億萬億之神靈。不分三部十方，寧論四乘之地。見聞感格，知覺來臨。五體投地，一心奉請。

奉請虛凝妙剎中， 太青文殊法界智。
圓寂普賢真性王， 聖中聖尊獨自在。
上首究竟吽迦羅， 中下兮魯軍荼利。
三密金剛三族母， 八大明王八明妃。
五密薩埵五普賢， 歌謠供養八天女。
毗盧捨那薄伽梵， 地藏勢至與觀音。
一百八佛海會眾， 七十二聖賢劫尊。
八化佛頂五如來， 三十七尊四護世。
八萬金剛蓮花族， 二十八部諸藥叉。
塵剎去今及未來， 十方三世一切佛。
辟支羅漢四果位， 辯才天眾五通仙。
冥空緣覺及聲聞， 修多羅藏總持教。
以天眼耳遙見聞， 以他心通而證知。
不捨慈悲四弘誓， 惻塞目前如雲集。
哀垂請者降臨此， 願受法食普同餐。
加持毗喏鉢底真言 本尊真言

瀝水供養

法水灌澆於法食，粒布十方；真言念誦於真乘，字資萬有。獻香花燈塗食之供，淨眼耳鼻舌身之根。贊歎振鈴，歌謠出杵。上聖雲臨海會，下凡霧集香湯。所陳需物當運心，外供養時內供養。但念梵音宜專意，理圓融處事圓融。

今崇法食賑冥陽， 香積國中妙味長。
甘露灑時除熱惱， 密言宣處獲清涼。
食充鬼魅饑虛苦， 物獻佛身相好光。
諸供養中法最上， 清風明月自堂堂。

界趣聖神

盡天地水，恒沙國土之神祇；窮畜鬼人，剎塵幽冥之界趣。有情含識，無限冤親。上徹虛空，下窮水際。遙聞感格，遠見來臨。

伏以仰啟十方神， 八海大龍諸小龍。
世主梵王天帝釋， 修羅八部人非人。
摩訶迦羅大黑天， 白姐聖妃訶梨帝。
三十三天與日月， 二十八部諸神星。
九曜七星六甲神， 五嶽四瀆及四鎮。
江海山川泉池沼， 樹木丘陵塚墓間。
曠野邦荒沙溪谷， 風雨雷電天地祇。
社稷津濟河伯神， 飛伏四王十二地。
魁罡太一天曹府， 南斗北斗聖真人。
太歲飛鹿大將軍， 太陰黃幡及豹尾。
歲德歲破並歲形， 月煞日遊及禁忌。
月德月建青龍神， 朱雀騰蛇勾陳等。
白虎玄武城隍神， 雜行疫病十二鬼。
五方宅神土母公， 門庭戶慰大小耗。
井竈巷陌階渠溷， 確磴庫藏穀稼神。
如是無量靈神帥， 凡前興工多殘害。
迴恨心而趣菩提， 終無參玄之善友。
復請冥間閻王眾， 分生判死五道官。
司命司祿把簿主， 冥使善惡雙童鬼。
遍週六趣無間獄， 鐵圍黑暗中罪徒。
負財負命及冤家， 七代考妣及宗祖。
墮在惡趣大僧尼， 針咽海腹魍魎魅。
歷劫饑虛長困窮， 枉錯形剎浮游鬼。
噉精食血伺胎魂， 大力小力諸魔王。
如是無量魔鬼帥， 各各將領所眷屬。
不可窮盡諸隨徒， 比那耶迦及起屍。
水陸空行飛沉類。 上極無色非非想，
下至泥犁金剛際。 虛空盡邊諸神祇，
難度罪囚及鬼魅， 仰希地藏申洪慈，
願領罪徒諸魔帥， 無前無後高下等，
受我請以不違誓。 弟子淺識而昧智，
鮮心顯召未能周。 一念願以遍虛空，

普令受請無留滯。 傾山拔海輕捷眾，
奮迅雄凌羅刹徒， 降臨設會壇場中，
奔集如雲來應福。 今欲廣施無遮食，
誠心供養等一如。 隨我願力遍同霑，
法味充濟常分馥。 居六趣者離六趣，
處四生者出四生。 咸蒙餐已證菩提，
先得道皆相度者。

加持十方神真言 諸神真言 龍神真言 瀝水內五供養真言

召資下凡鬼趣

總分六道，各具一乘。稱惟餓鬼，無名之變身體，□其眾生，有諱之呼種形。三十六部幽魂，聞召而霧集；八萬四千餓鬼，知攝而雲趨。咽喉開通，氣形端淨。各乘甘露之法食，同關六道之業門。自即皆發菩提心，咸蒙解脫；從此頓明本自性，總悟真空。

諸鬼既集已， 瞻仰施食人。
猶如於父母， 行人起慈悲。
興大慈悲心， 與被開咽喉。
須假三種力， 二羽虛心合。
如蓮花未敷， 三誦喉真言。
合蓮開三[腔-工+死]， 心想一字呼。
在於合蓮上， 變成水精珠。
普施清冷光， 照燭諸餓鬼。
三十六部眾， 猛火悉消滅。
咽喉悉開通， 開咽喉真言。

namo buddharigat ā ritath ā gat ā ya sv ā h ā //

namo buddh ā ya namo dharm ā ya namaḥ samgh ā ya //

namaḥ rava □y ā ya om u ma 3 mau patayami //

召請三十六部真言 施六道真言

發心勤力

開發三心，憑三種而修大善；竭勤二力，仗二門而□食緣。精進菩提，廣大之端；大願大悲，財食之貢。□伸念誦，以□幽明。

以精進心為宮殿， 以菩提心為道場。
以廣大心為法會， 以大願力為法食。
以大悲心為法財， 施食功德滿虛空。
受者功德亦如是， 願此一食遍法界。

如法供養十方佛， 功德成就濟群生。
 我今敬設無遮會， 以大願力普莊嚴。
 無量有情皆飽滿， 所得功德量難思。
 或如摩尼等微塵， 或滿虛空充法界。
 一食變成甘露食， 一錢變成無量錢。
 普施眾生皆克就， 甘露法味能周遍。
 食已身心恒快樂， 無邊福慧自然生。
 常見諸佛聞妙法， 速證無上佛菩提。
 先得道者皆相度， ॐ khakhahaha ॐ svāhā //
 加持皈依三寶真言 彈指伍佛 本尊真言

賑濟法食

□□無遮法食，所請有情，周遍普霑。飛騰羅刹，飛□□曠野鬼神，未受者令受，未足者令足，思食者受食，思水者受水，思火者受火。饑者與食，渴者與飲，冥者與光，寒者與溫，熱者與涼，貧者與財，苦者與樂。盡虛空界，無邊遍匝，受一點者，得甘露味。既得霑者，所有罪障，悉皆消滅；一切苦惱，終不著身。善心增多，惡心自除。歡喜快樂，壽命長遠。早超苦海，速證無上正等菩提。

次願上承佛力，發廣大心，下為有情，起無遮會。周遍法界一切含靈，為大施主，結大食緣。或是千生父母，萬劫子孫，上下六親，尊卑九族，良朋善友，債主冤家，各坐本因，淪溺三界。未離苦者，願今離苦；未得樂者，願今安樂；未發無上菩提心者，願今發心。已發心者，願早成佛，願早成佛，願早成佛。

復願一切聖眾，起慈悲心，庇護施主□□等家內，穿鑿舉動，誤犯靈祇；移改興工，錯犯神祠。年運籌盡，伏望延齡，或祚壽命，哀憐還久；冀諸佛之讚祐，蒙眾生之密扶，長幼遠序於歡忻，闔門當於康吉，禍難□送於千里，福祿轉慶於一門，穀稼倉庫而添益，□□匱篋而滿盈，家宅絕瘠痾之癘，僕隸無勞瘧□□。□□強勝而滋繁，苗稼登實而豐熟。所作稱□，願得成就，無諸災障。回施有情，共成佛道。

一心皈命禮常住三寶
 加持發菩提心真言 四業法諸部真言

普伸懺悔

凡夫識昧，惻度聖賢。雖遍周而未能普霑，周恐留滯，招無尤罪。或修行之此心，奔散於塵寰；或禪想之時意，起非於妄境。仰憑十力，有漏罪除；翹望三賢，煩惱障滅。悟真空八正之理，得無為於三密之中。在生而福智自圓，來世則道果成就。利益群品，霑者四生。共脫淪沉，永出苦海，速證無上正等菩提。

一心皈命禮常住三寶
加持懺悔罪業真言

均食普周

單多法食，蒞遍於十方；不二教門，解施於萬類。渴飲者由生道而歸佛道，饑食者自凡身而證法身。

加持均食真言

回施禮別聖賢

□□□□淨大圓鏡內，本無去，以無來。真如實相門
□□□□而有□虔修菲供洞格華顏。蔭寶蓋而□□場，統金輪而興佛事。然則具足三時啟請，觀宣最上加持，珍饈遍滿於含生，法食普霑於蠢動。罄陣恭恪，懼有闕遺已□□□□慈悲致使闔門室家，庇蔭神祇護祐□□□□□□□□□□光光檀灰而餘燼。乃是香花分道，將啟齋筵；樓閣乘空，咸歸本土。伏願萬有千流蒙饒益，了明自性乾坤；四生六道盡超昇，總認本來面目。然後修齋善信、合道場人，綿筵百載之洪庥，允協四時之福慶。千祥萃集，萬善

(下殘)

〔錄文完〕

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。（銀聯卡不支援定期定額）

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
